




Siku Upinde ulitembelea kijiji

Ursula Nafula
Kiswahili



Kijiji cha Kobole
kilikuwa kidogo.

Alasiri moja, Kobole
alikuwa akiokota matunda.

Alishuhudia tukio
lisilokuwa
la kawaida.






Aliona mistari ya rangi
rangi angani.

Aliangusha matunda chini.

Alikimbia nyumbani
kuwaambia wanakijiji.





Aliwapata watu wote
wamesimama nje
wakiangalia angani.

Kobole alisema,
“Ni shuka maridadi
inaning’inia kutoka
angani.”
Neno alisema,
“La! Ni mtu anamwaga
rangi
tofauti kutoka angani.”





Watu wengine
walikubaliana na Kobole
huku wengine
wakimwamini Neno.

Vikundi hivyo viwili
vilibishana.

Mwanamme kutoka kijiji
cha mbali alitokea na
kusema, “Mmekosea
nyote.”





Watu walipiga mayowe,
“Kwa hivyo ni nini?”

Yule mgeni alisema,
“Ni upinde. Kwani
humjawahi kuona
upinde?”





“La, u-p-i-n-d-e ni nini?”
waliuliza wote huku
wakimwangalia yule
mgeni.

Neno aliuliza, “Je, ni wetu?
Tunaweza kuuweka hapa?”

Lakini mwanamme huyu
alikuwa tayari ameenda
zake.



Siku Upinde ulitembelea kijiji

Writer: Ursula Nafula

Illustration: Wiehan de Jager

Language: Kiswahili



© African Storybook Initiative, 2015



This work is licensed under a Creative Commons Attribution
(CC-BY 4.0) Version 4.0 International Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative